

本草備錄
種子總論
調經種子各六
胎前論
轉女為男說

醫方易簡

卷壹

贊育編難產七因
護生篇胎前禁忌
胎前宜忌
保產機要
小產當慎
安胎保產各方

光緒癸未年重刊

增訂醫國天界寶鑑

板存揚州運司大街南
園門內宋德成刻字鋪

叙

黃太史伯垂余戊戌分校禮闈時所薦士
也居恆敦善不怠近出所刊醫方易簡編
問序於余披閱一過喜其類別門分簡而
易行詢屬有裨於世昔程子云一命之士
當存心濟物伯垂困名場者幾廿載其中
南北奔馳日不暇給而每欲成是書爲濟
物計又復兼資衆力或分輯或分校或分

敘

任鳩工其孜孜爲善之心庶幾程子之意
歟歲庚戌書甫成伯垂適成進士登瀛洲
亦足見福善之應毫髮不爽矣惟是善量
無窮擴充爲貴異時游履清華敷厯中外
更推是心以爲仁愛之術其所濟不愈大
哉余嘉伯垂之志爲弁數語卽以加勉焉
咸豐元年歲次辛亥孟春江陰季芝昌書

黃伯垂學使誼屬葭莩雖地隔八千里而
心常馳系不置其所刊醫方易簡新編一
書印刷後以全帙相遺叶曾按症施方屢
獲效驗更喜其分門別類開卷詳明甚爲
簡便而易於取携憶叶歷歲所刻感應圖
果各等書中偶附醫方數條亦欲心存利
濟因思黃學史所著新編板藏都門吾粵
傳行未廣然疾病人所時有久願重刊以

余

公諸世適與其封翁愛廬先生談及此意
甚爲欣然封翁第五子衛存余壻也亦有
同志因囑早爲鳩工以便秋闈分派俾易
流通區區之心竊求質諸同好至其功用
之宏遠搜羅之辛勤以及剗剗之原委俱
詳載各序中不復多贅
咸豐六年歲次丙辰端陽後五日羅叶祥
謹識

叙

醫方易簡編者龔君月川所撰也黃君伯
垂將付手民壽諸剞劂屬余首路導其引
嚶余中古之書罕招夫殘竹上池之水未
飲夫長桑奚足以祓飾芝函揆張漆翰然
觀龔君名篇之意黃君樂善之公易知易
從挾乾坤之蘊欲立欲達宏博濟之方詳
其旨趣有可言焉夫蘭茹傳卵雀之丸麥

鞠寄河魚之讒古初方齊於此權與泉乎
 八十一難越人闡其鏡經百十三方長沙
 洞其機要王成孫褚並軌爭趨劉李張朱
 聯鑣競轡或緣經以立訓或通變以設權
 或發難以抵疑或矯枉以糾謬莫不指撫
 後進圭臬前徽而薪傳既遙枝分愈遠津
 逮之塗則一同源之派易歧厥蔽所存其
 流有四史公鈞奇叙援熊之夢千寶誌惟

傳療龍之神不過搜方伎之瓊閭資文章
之瑀飾而萍蘊餘瀝豔說乎挂蛇榆莢懸
癰侈徵乎剖蛤是有神工無關要訣好奇
之蔽其流一也養性養命中和筦其樞齊
剛齊柔涼燠區其用卽亢害而承制必陽
祕而陰平乃論宣明於暑火藥苦不辭蒸
靈液於水雲桂辛是餌石火三斗陳冰一
盤見偏之蔽其流二也司天有化氣辨夫

客淫帝問無方功憑夫砭刺而九鍼之名
 莫究七元之運易差必欲揣量奇經權衡
 尅勝則青囊晦曖卷已軼乎丙丁黃道推
 遷紀久訾乎甲子泥古之蔽其流三也醫
 者意也神契夫臨幾方者倣也義宗夫成
 法故華夷處齊稱量乎分銖敬輿集方博
 求乎經驗而或心昧成獲臆逞圓機古人
 欺我謂金匱之可刪大藥何名譬玉卮之



無當師心之蔽其流四也四者汨流更生
三惑無洞垣之明有獵名之術牘聞禁要
居然九折之肱蹙習方書遂註千金之翼
飛毫走翰淵乎莫窮按岷循經茫無一驗
此一惑也黨同伐異別戶分門言各成於
一家書未窺夫三世宗景岳之論遽詎河
間讀節菴之篇翻疑仲景窺豹不全測蠡
自隘此二惑也又其下者家傳舊業則享

帝獨矜技擅專科則席珍是祕非有龍宮
之禁爭爲蠅利之營宋人泝泝之藥祇以
得金元禮薈萃之傳謀諸肱篋醫非小道
人有市心此三惑也則欲鏡四流之謬祛
三惑之滋埽正路之荆榛發神功於草木
今之作者意在斯乎龔君博習奇書少承
家學憫國工之不世冀婦孺之咸知綱舉
目張可按圖而索驥振裘挈領豈歧路之

匹羊又得黃君勤爲商推廣厥流傳抱朴
肘後之方纂成於宏景論衡枕中之祕不
靳於伯喈美合難并相得益彰矣余與黃
君夙相知契重以婚姻見其行穆淳脩家
傳陰德爲善最樂訓稟於鯉趨博愛謂仁
澤覃夫蟻渡是知枝駢棣萼秀擢木天籍
註蓬萊臚宣朶殿世德作求積善餘慶有
自來也至其取材之當體例之精諗之作

者自有定評余非專門無煩覩縷已

昔

咸豐元年歲在辛亥夏至前三日順德羅
惇衍撰并書



癸卯余侍家大人蒞任武林秋病痔不能
行幾兩閱月爰取各醫書朝夕尋玩其中
簡便易行者隨手錄出逮病痊共得七百
餘方質之仁和龔月川茂才茂才尊人砥
庵先生庭訓暇時閒及醫術故茂才家多
自輯醫書及經驗良方有求治病者遇證
與方合依法施治未嘗不應手而奏効也
因屬出其所纂與余所錄合成一編釐爲

敘

六卷更浼陳穎泉諸君反覆參訂乙巳始
歸諸余適余與番禺何藻屏孝廉同反粵
孝廉素善岐黃因屬其再加釐正焉己酉
秋郵至虔南謂是書雜症各方頗爲詳備
通都大邑不乏良醫固無藉此若遇遐陬
僻壤辨證者尠得此發矇不無小補因勸
以付梓歲庚戌余忝膺館選木天課餘復
與里人譚仙瀛連小雲雲湘辛綱裳黎敦

夫共校一過遂偕賴雪舟同年約諸同志
錢板以公諸世顏曰醫方易簡新編竊取
大易示易示簡之義云爾

咸豐元年歲在辛亥夏至前一日鳳城黃

統謹誌